

舊譜序

人之有身同出鼻祖猶木之根而葉猶水之源而派也連枝天屬一氣所分則散爲雲仍雖百世可知也而世多忽焉可勝歎哉李君擢鄉假令聞韶僕忝芳鄰投分不淺一日沿牒過焉公披譜示余曰此乃縣貫金氏之系爲吾宅相恐其久而忘也筆而傳之乃序其支流次其門閥以及葭莩之屬旁搜博訪皆極詳悉金枝玉葉前後相繼名公鉅卿內外相望可謂詹事公積德之厚而召又山水毓英之美因可想矣噫台堂而坐同器而食具爾之親如足如手而數世之後親竭服盡不知爲何人者勢之必然則一體之分疎爲路人寧不爲識者之惻然哉公於鳴琴之暇蒐集許多姓氏溯流而源緣葉而根使相視楚越之人復知祖先餘慶之所出而已遠者不忘己疎者復親則知公忠厚之意不間於內外之親而孝悌之心可使覽之者油然而興感反薄而還淳矣其用意豈不勤且美哉舉歎心推之一邑猶足以厚倫而成俗况聞韶之人多與公同派者孝友之政必觀感之尤速吾

將畜眼而從之嘉靖癸丑春季上浣錦溪黃俊良謹序

新譜序

夫人之有譜溯流而源追慕其祖先有源而派敦睦乎宗族矣故自古巨姓大族莫不修譜焉吾金之譜自嘉靖癸丑至隆熙后甲子凡七八次先父老盡心焉盡力焉然於其大同譜則似浩煩而難精於其派譜則似太畧而疏親故弘洛於此所感者多矣而適辛丑小春之望使四從弟元洛惟我左尹公二子文學公派大同譜之議輪回宗會則族大父鳳載氏族弟綸洛亨洛龍洛秀洛族姪東仁振相同聲讚其辭而於是與綸洛跋涉京鄉嶺湖收聚宗牒始事於壬寅竣功于癸卯夏五月則若非僉族後援之誠豈能如此容易哉其工役之費拮据于各處諸宗然秀洛惟捨身敦事而其所以枝派之蕃衍畧記其概外系之疎遠不能盡錄恕其弘洛聞見之不瞻焉但所恨者大提學公五世孫諱德麟下癸丑譜以后無繼懸錄而去甲子譜以熹良入系必是妄自徇私無根採錄弘洛於此瞿然而

惕慨然而憾者蓋亦有年矣今般聽得宗議依舊譜而是正且大提學公十二世孫遠喆下昭穆訛錄前註詳記訂止則小弛積年之恨矣譜旣成不顧不文以叙所感如右若勸勉興孝之方講修睦族之訓先輩舊序中盡之諸宗族佩服勿忘今不敢贅言矣癸卯五月夏文學公十七代孫弘洛謹叙

譜者普也普收同祖之子孫以溯其源若齊姜之出於四岳眉蘇之始於長公雖百千世而燭照龜卜者譜也惟我義城之金肇武於始林金櫝之瑞以王子諱錫爲肇祖其後有諱龍庇以高麗太子詹事襲封義城君自受貫來名公巨卿承光接武爲一國之懋閱而子孫之布濩四方者派而又派支而又支譜始於嘉靖癸丑再修於庚寅三修於庚子然以其大譜也故不無欠闕疎畧之恨也惟左尹公二子政堂文學公諱居翼即我分派之祖也自是編成譜例則庶幾無欠不備之歎況其上系則昭然具載於舊譜不必架疊且因此而填補其疎漏改整其疑晦則豈非吾派之一部敦史乎於乎修譜之要非但明其昭穆也自今克誠克孝推

事生之心以事亡推事父之心以事祖推祖以及曾祖推曾祖以及厥初無窮是修譜之大義也譜既成畧記所感如右云文學公十九代孫秀煥謹書

周公思兼三王有不合不寐以時異今古也孔子言三代損益相因以文質有殊也余竊以爲私家亦然憶昔吾金天潢分派螽斯千古星羅域中各尊其尊親其親而詳吾先系以立一統之義傍系只書分派之祖非篤近而遺遠乃族詳而同姓所畧也一自南北戰起或竄絕海或入窮谷如不及今爲所容有爽失先系者是可忍乎哉寧失之經不忍殺無辜聖人獄獄之情也寧失之厚不忍棄一族祖宗一視之仁也不得已斷自文學公派修譜昔年之小譜今日之大同是亦因是損益也夫噫讀吾譜者得無惕然其有思乎見一源而萬派乎乃知同歸乎祖宗見千葉而一根乎乃知榮枯焉相感榮枯相感安有物我之分同歸祖宗焉有彼此之分既無彼此又無物我則太和融世薰風恒發焉吾門之昌未可艾也苟侔云弟子勉學天不忘也凡百宗族各敬爾身也夫文學公十七代孫龜洛謹書

新羅金氏璿源系

始祖 二世 三世 四世 五世 六世 七世 八世

金閼智 子勢漢 子阿道 子首留 子郁甫 子仇道 子味鄒王

新羅第四王昔
脫解尼師今九
居西干
波干
角干
角干
阿達羅尼師今
十九年壬子爲
波珍殯後味鄒
王有國追封葛
文王○妃朴氏
祗槃子伊非女
繼沾解王而立
妃光明夫人昔
氏

年乙丑漢明帝永平八年也三月夜王開金城西始林有鷄
鳴聲遣鮑公視之有金色小犢掛梢白鷄鳴於其下開犢則
有小兒姿貌奇偉王喜曰天助我以胤乎養爲己子賜姓金
氏以白鷄金犢之瑞也初拜大輔追封大王○配摩夫人昔
氏脫解子角干康造女也

末仇
奈勿王 子訥祇王 子卜好 子習寶 子智證王 子法興王

九世 十世 十一世 十二世 十三世 十四世 十五世

號麻立干東晉
穆帝永和十二
年丙辰繼訖解
王而立安帝元
興元年壬寅薨
在位四十六年

妃阿老夫人在
位四十二年

追封葛文王遺
事作寶海實聖
追封葛文王一
作斯寶
諱智大老遺事
在位二十六年

偏禮尼師今八
年辛亥爲伊伐
禽忠正有智王
常訪問政要后
爲角干○休禮
夫人金氏

新羅金氏璿源系